

# جريدة حكاك

١٢٩٠

سالى

نومرو	ربيع الاول	سنه	كانون ثانى	سنه	صحيفه
١٨٤	٦	١٣٠٠	٤	١٢٩٨	١٤٦٥

اشبو غزته بهر هفته صالى كونلرى چيقار . سنه لىكى مجيدى اچمه التمش غروشدر بهر نسخنه سى التمش  
 پاره مجيدى به اولهرق هر يرده صاتيلور . درج اولنه جق اعلا ناك بهر سطرندن ايكى غروش النور .  
 سنه لىكنه مشترى اولوق استيانلر عدليه نظارت جليله سى اوراق مدير لىكنه مراجعت ايتليدر

( توجيهات عدليه )

خداوندكار ولايتى عدليه مفتشلىكى سعادتلو تحسين  
 افندى به  
 يانيه ولايتى عدليه مفتشلىكى خداوندكار مفتشى سابق  
 فضيلتلو عاصم بك افندى به  
 حلب ولايتى محكمه استيناف جزا دائره سى رئيسى صوفى  
 زاده فضيلتلو عبدالله افندى به از مير پايه مجردى  
 ديار بكر ولايتى مركز بدایت محكمه سى حقوق  
 دائره سى رياستى شهر زور بدایت محكمه سى جزا  
 دائره سى رئيسى سابق فضيلتلو معروف افندى به  
 توجيه بيورلشدر

اراستيدى بىكدن عيناً ليرا اولهرق المى وراستيدى  
 بىكك دخى قائمه قرار نامه سى موجبجه بر ليرا درت قائمه  
 حسابيله ويرمك استيدى مبلغ اراستيدى بىكك  
 خزينه مشار اليها به اقراض ايتمش اولديغى معلوم المقدار  
 ليرايه مقابل نقد اولان مقبوضاتيله خزينه نك ترهين  
 ايتمش اولديغى قونسليده قيونلرى بدلندن و بو  
 قونسليده نك صاتلسندن طولايى رؤيت ايدن حسابدن  
 متولد بردين اولوب محكوم اولسون اولسون ديونانك  
 لاعلى التعيين مدت معلومه ظرفنده تسويه ايدنه جك  
 اولنلرك چله سندن بر ليرايه مقابل درت يوزلك  
 قائمه النمى قرار نامه مذكور احكامندن ايسه ده اعلام  
 مستأنف بهده اساس دينك حكمنى حاوى بولنان تجارت  
 اعلامى مالى مندرج اولمديغندن رهنك مقدارى واستهلا-  
 كنده خزينه نك رضاسى اولوب اولمديغى اكلاشيله-  
 مامش ورهنلرى اراستيدى بىكك خزينه نك رضاسيله  
 صاهر ق اله جفته محسوب ايتد كدن صكره فضله

( يوز سىكسان برنجى ويوز سىكسان ايكنجى ويوز )  
 ( سىكسان اوچنجى نومرولى جريده محاكمه مندرج )  
 ( اعلامك بقيه سى )

اوراق مذكوره مالرينه نظراً خزينه جليله نك

فلان مقداری تدين ايتش ايسه ده بر ايرايه مقابل درت يوزلك قائمه اكر تدين ايتماش ايسه بدنده امانت قاله جفغندن و مستهلكده اولديغندن عينا ليرا اوله رق قيمتني و خزينه نك رضاسي اوليه رق استهلاك ايتش ايسه او حالده مجموع رهنك ليرا اوله رق قيمتني و يرسي لازم كله جكندن بو حالده اعلام مستأنف بهك فسخي و كيفيتك تدقيق و تحقيقيله تبين ايده جك حاله كوره حكيم و يرلسي لازم كلور) ديو محرر بولنديغندن ولدي سوال بشقه برديه جكاري اولديغني طرفين بيان ايلدكارندن محاكمه ليرينك ختام بولديغني افهام قلندي

ايجاب كيفيت لذي المذاكره مستأنف و كيلنك خلاصه اعتراضی درجه اخيره ده صدور ايدن اعلام حكيمى معتبر ايسه ده اراده سنه انى تعديل و يا نقص ايده كلديكندن شو حالده في ۵ حزيران سنه ۹۵ تاريخي نشر اولنان قرارنامه ايكنجى محكمه نك اعلامي حكيمى تهديل ايتديكي و ججز بر مطلوبى تحت تأمينه المقتن عبارت اولوب مطلوبات خزينه نك صورت تسويه سندن نشأت ايدن منازعه حل اولنجيه يه دكين املاكك تحت ججزده قالمسند باس اولديغندن بك اوغلي حقوق محكمه سي قرار نك استيناف و ياتمير ايدلسنه حاجت كوريله مديكي و ججز اعلامنك امتيازى اولديغندن موكلنك محكوميتني حاوى اولان اعلام حكيمى بر حكم قطعي حالته قويه ميوب بالفرض امتيازى اولسه بيله ماقبلنه شمولى اولوق اوزره نشر اولنان قرار ججز اعلامنك حكيمى چورتديكي و موكلنك اعطا ايلديكي استدعاده اول صورته و ليرا اوله رق تعبيرنك وجودى اوليه رق اعلام مستأنف بهه سهواً يازلديغني ماليله نظارتك تذكره سييله مثبت ايدوكى و موكلنى مطلوباتك اجراى محسوبنى بر شرطه استناد ايدوب شرط مذكور ايسه

في ۵ نيسان سنه ۹۵ تاريخي قرارنامه نك حكيمى موجب محسوبيتنك اجرا اولنسندن عبارت اولديغني حالده قبول اولنيه رق اولبايده كى سركى اليوم موكلنى زدنده محفوظ بولنديغني جهته تفاسى و محسوب كيفيتي بر توهمدن عبارت اوله رق شو حالده موكلنك محكوميتني حاوى اولان اعلام حكيمك اجرا اولنمدر ديمجى قول مجرده قالدبغنه و موكلنى تاريخ اعلاندن صكره اعلامك ليرا حقنده مى حكيمى قبول و اجرا ايتديكنه پروتستور دن بشقه مشاورر نك بيانامه سي و اجرا مأمور يتنك ايشى بك اوغلي حقوق دائره سنه وبعده ايكنجى محكمه تجارته حواله ايلسى دليل قوى ايدوكى وفي ۵ نيسان سنه ۹۵ تاريخي قرارنامه نك نشرندن اول موكلنك اعلام مذكوره محسوباً ليرا اوله رق تسليماتى اولديغني فرض اولنسه بيله اندن صكره ليرا يرينه قائمه اعطاسى اراده سنه اقتضاسندن بولنديغني و مبلغ مدعا نك اساسى موكلنك ماليله خزينه سنه باسند اقراض ايتديكي معلوم المقدار ليرايه مقابل تأمينات اوله رق و يريلان قونسليدرك سند وعده سنك حلولندن صكره صاتلمسندن طولابى الاجغى بالتسويه موكلنك ذمتنده فضله قلان اون يدى بيك بو قدر ايرانك اون اوج اون درت سنه طرفنده تراكم ايدن فائضك ضميمه قرق يدى بيك بو قدر ليرايه ايكنجى محكمه تجارته محكوم طولديغندن عبارت اولسييله معامله مذكوره بوجه محرر اخذ و اعطادن متولد اولديغني دركار ايكن خزينه و كيلارينك مبلغ مزبوره امانت اطلاق ايتلري قبول اولنسه ميه جغى و موكلنى قرارنامه نك نشرندن صكره مبلغ مزبورى قائمه اوله رق خزينه يه تسليم ايتديكي حالده قبول اولنديغندن طولابى سوسينه جنرال بانقه سنه ديوپوزيتو ايتش و هر قدر پروتستورده بو كادار بر صراحت بولنماش ايسه ده مبلغ مزبور الان

مذكور بانقه ده موجود ايدوكى حقنده بر قطعه علم و خبر كتوره بيله جكى جهتلره اعلام مذكور حكيمى موافق قانون اولديغندن فسخييله موكلنك محكوم به اولان مبلغى قرارنامه مذكور احكامنه توفيقاً درت قائمه بر ليرا اعتباريله تسويه ايتسك تحت حكمه النمى خصوصى نندن عبارت و درجه اولى محكمه سنجيه مدعى عليهنده خزينه نك مقدما استحصال ايتش اولديغني اعلامده محكوم به اولان اچقه عينا ليرا اولغله برابر مبلغ مزبورك تأمين استيفاسى ضمننده مشار اليهك املاكى اولوقت ججز تخنه النه رق ججز واقعك بالتصديق املاكك محجوزه نك فروختى ايله بدلندن مبلغ محكوم بهك استيفاسنه قرار و يرلمش و قرار مزبورك استيناف و تمير مدتى مرور ايدرك حكم قطعي حالته كيرمش اولسييله ذكر اولنان اعلام حكيمى تماماً اجرا و بو صورتله مطلوبات خزينه حكماً تأمين و استيفا قلمش عد اولنديغنه و على الخصوص مشار اليهك مستند ادعاى اولان في ۵ نيسان سنه ۹۵ تاريخي قرارنامه تاريخندن ايكي ماه صكره خزينه يه تقديم ايلديكي استدعاسنده خزينه مشار اليهاده اولان معلوم المقدار مطلوب نك ديونات محكوم سسته عينا تفاسى و محسوب ايدلسنى طلب ايدوب متباقى ذمتنى همان اول صورتله تأديه و ايفايه مسارعت ايده جكنى بيان ايلسييله دخى مشار اليه خزينه يه اولان ديننى ليرا اوله رق ايفايه موافقت ايلش بولنديغنه بناء قرار آنف الذكر حكيمى عمومى اولسه بيله اسباب مشروحه مدعينك مار الذكر قرار نامه احكامندن استفاده ايتك صلاحيتنى كندوسندن كاملاً سلب ايتش اولسييله و كيل قسطاسى افنديك ادعاسنك ردينه قرار و يرلديكي كوسترلمش ايسه ده مستأنف ار استيدى بكك في ۱۰ تشرين اول سنه ۹۳ تاريخي اعلام موجب ذمتنده اولان اچقه مشار اليهك خزينه

جليله يه اقراض ايلديكي بر مليون ليرايه مقابل تأمينات اوله رق و يريلان قونسليدرك فروختندن صكره ذمتنده امانت قالش اولان اون يدى بيك ليرا اولوب اشوب مبلغ اساساً امانت ليرا اولسييله آنف الذكر في ۵ نيسان سنه ۹۵ تاريخيه با اراده سنه نشر اولنان قرارنامه نك بيله عندالحاكمه امانت طر يقيله عينا ليرا ذمتنى تبين ايدنره اصلاً شمولى اولديغندن شو حالده اعلام مستأنف بهك اصلاحيله اصول محاكمه حقوقيه قانون موقتك يوز طقسان التنجي ماده سنك ققره اولاسى احكامنه توفيقاً نتيجه جكمنك تصديقنه و اون بشلك جزاى نقدى ايله مصارف محاكمه اوله رق زيرده مرقم اوچيوز اوتوز غروشك مستأنف مشار اليهه رجوع ايتك اوزره مستأنف عليهن النمسه درجه ثابته ده متفقاً قرار و يريله رك طرفينه تفهيم قلندي

- ( في ۸ صفر سنه ۱۳۰۰ وفي ۸ كانون اول )
- ( سنه ۹۸ تاريخيله در سعادت بدايت محكمه سي )
- ( ايكنجى حقوق دائره سندن و يريلان اعلامك )
- ( صوتيدر )

الاجه جامده خان خليلده مقيم الياس بسيم افندي طرفندن في ۲۹ ايلول سنه ۹۸ تاريخنده در سعادت بدايت محكمه سي ايكنجى حقوق دائره سنه و يريلان عرضحال قرائت اولندي

مألى بلاط داخلنده حاجى عيسى محله سنده كبرى باشى زقائنده واقع اوتوزالتى نومرو ايله مرقم اولوب درت حصه اعتباريله نصف حصه سنه متصرف اولديغني بر باب مسكرات فابريقه سنك مشتركى بولنان يورا

الیاس بسیم افندی عهده سنده اولدیغنی ناطق و مذکور  
سند فی ۱ جزیران سنه ۹۸ تاریخله مورخ  
و طودوری دیمتری و ایلیسایاتی و بدوس ایندیجی  
اوغلی امضالریله نمضی اولوب مندرجاتی بلاط قیوسی  
داخلنده کبری باشی جاده سنده حاجی عیسی محله سنده  
اوتوزالتی نومرو ایله مریم تحت استیجارنده بولنان  
بزیاب مسکرات مغازه سنک دروننده کندومعرفتیه  
انشا ایندیمرش اولدقلمی برعدد عراق قرغانی  
و واپوری و ادوات سائر سبیل برعدد طلومبه سنی  
رضالریله مذکور مغازه نك نصف حصه سنده متصرف  
اولان طریزون تجارلرندن الیاس افندی به یوز الی  
عدد سیم مجیدیه فریخت ایلدکرینی حاکمی  
بولمشدر

مدعی علیهمادن یوزا دخی اشبو مغازه نك تکمیلنی  
کندولری استعمال ایندکری والیوم قبالی اولدیغنی  
جهتله مدعینک کندولرندن نصف حصه سنی ایچون  
ایجار طلبنه حقی اوله میه جغنی کی مزبور مغازه ده  
اولان قرغان و طلومبه و ادوات سائر بی مدعی مومی  
ایله بعد الاشرای نصفنی کندوسنه یتیمش بش مجیدیه  
مقابل ترک ایده جکنی وعد ایدوب حتی علی الحساب  
اوله رق بش لیرا دخی الدیغنی و مذکور مغازه قابل  
تقسیم اولدیغنی جهتله حصه شایعه لر نك تقسیمنی بیان  
وصلون دخی مذکور مغازه نك حین تقسیمنده کندو  
ربع حصه سنک مدعی طرفنده قالمسنی درمیان ایش  
و مدعی الیاس بسیم افندی دخی اشبو مغازه نك قابل  
تقسیم ایدوکنی تصدیق ایله برابر مذکور قرغان  
و طلومبه و ادوات سائر سنک نصفنی مدعی علیهمادن  
یودایه صائموب بوکا محسوباً بش لیرا دخی المدیغنی  
سویلمش اولمارینی متعاقب مذکور قرغان و ادواتک  
نصفنی یتیمش بش عدد مجیدیه الیوب بوکا محسوباً

وصلون ولد یاسف ایله مذکور مغازه بی استیجاره  
طالب ظهورنده مشترکاً ایجاره و یرمک اوزره  
بینلرنده عقد معاوله اولمش ایکن بودفعه مر قومان  
کندوسنک ماذونیتی اولقسزین خود بخود مذکور  
مغازه بی کساد ایله اقامت ایتمکده اولدقلمی و متصرف  
اولدیغنی مذکور نصف حصه ایچون براجه ایجار  
و یرمک لری کبی کندوسنک مالی اولان قرغان  
و طلومبه و سائر یه دخی مداخله اولندیغندن و مذکور  
مغازه دخی قابل قسمت بولندیغندن بحثله شمعی به قدر  
مر قومان ذمترلنده تراکم ایدن بدل ایجارک مع مصارف  
محاکمه تحصیلیه مذکور مغازه ده اولان حصه  
شایعه سنک تقریق و تقسیمی خصوصاً نك تحت حکمه  
النسی استعاضدن عبارتندر

تبلیغ اولسان ایکنیجی احضار بوصوله سی اوزرینه  
مدعی طریزون الیاس بسیم افندی ایله مدعی علیهما  
یوزا وصلون بالاصاله دأریه کللریله استیجواب  
اولدقده مدعی مال عرضحالی شفاها دخی بالتکرار  
مذکور مسکرات مغازه سی مدعی علیهمانک پدرلی  
یاسفدن درت نفر اولادینه انتقال ایدوب مؤخرأ مدعی  
علیهمانک برادرلرندن اشبو ایکی حصه بی کندوسی  
الوب ایکی حصه سی دخی مدعی علیهمانک عهده سنده  
قالدیغنی و مذکور مغازه تکمیلنی برخیلی وقتدنبرو  
مدعی علیهما طرفندن استعمال اولنوب کندو  
حصه سی ایچون براجه ایجار المدیغنه و مذکور  
مغازه ده اولان قرغان و طلومبه و ادوات سائر بی  
دخی بونندن مقدم مذکور مغازه نك مستأجرلرندن  
یوز الی عدد سیم مجیدیه بدل ایله الدیغنی بیان ایلیه رک  
مذکور مغازه ده اولان نصف حصه به تصرفنی  
مشعر اوچ قطعه سند خاقانی و برقطعه سند ابراز  
واعطا ایلدی لدی المطالعده بولرندن اوچ قطعه سند  
خاقانی مذکور مغازه نك نصف حصه سنک مومی ایله

بش لیرا و پردیکنی نه ایله اثبات ایده جکنی مدعی  
علیهمادن یوزادن صورلدقده بو بایده اثباتندن  
اظهار عجز ایله مذکور قرغان و طلومبه و ادوات  
سائر سنک نصفنی کندوسنه یتیمش بش مجیدیه به  
صانوب بوکا محسوباً بش لیرا المدیغنه دأر مدعی  
الیاس بسیم افندی به عین تکلیف ایش و مدعی مومی  
ایله دخی اشبو مینی بالقبول حضور هیئنده اجرا  
ایش اولماری اوزرینه بعده ایجابنه باقلمق اوزره  
اول امرده مذکور مغازه درت حصه اعتبار ایله  
بر حصه سی یوردایه و دیگر حصه سی اوچ حصه نك  
برصلونه و ایکی حصه سی الیاس بسیم افندی به عاند  
اولق اوزره تقسیمی قابل اولدیغنی بیلنک واکا کوره  
ایجاب قانونی مطالعده ایدلک اوزره اول امرده کشف  
اجراسی تذکر اولمش و اجرای کشف ایچون جانب  
محکمه دن باش کاتب سالم افندی نك نائب و تپراسی  
قالفه نك دخی مأمور تعیین ایدلمسسه قرار و یرلمشیدی

مؤخرأ تبلیغ اولسان اوچنجی احضار ورقه سی  
اوزرینه مدعی الیاس بسیم افندی کلش ایسه ده مدعی  
علیها یوزا وصلون کلدکرلندن و مدعی مومی ایله  
دخی دعواسنک غیباً اکالی طلبنده بولندیغندن اصول  
محاکمه حقوقیه قانون موقت نك یوز قرق درت و بشنجی  
ماده لری احکامنه توفیقاً مدعی علیهما ایچون جانب  
محکمه دن دعوی میملرندن قیوجیمان روین افندی  
وکیل مسخر نصب و تعیین اولنهرق غیباً اکال  
محاکمه به ابتداریه نائب مومی ایله جانبندن و یریلان  
و مواجهه لرنده قرائت اولسان راپورطوده مذکور  
مسکرات مغازه سی طولاً و عرضاً اوچ یوز اوتوز  
ذراع درت برمه بالغ اولوب طوی موجود  
ایله جاده یوزنده و عرضاً یدی ذراع اون طقوز  
پرمق و ظهری جهتده الی ذراع اونبر پرمق که

تریباً یوز التمش بش ذراع ایکی پرمق مدعی مومی ایله  
الیاس بسیم افندی حصه سنده و کذلک عرضاً بر طرفی  
درت ذراع درت پرمق و دیگر طرفی اوچ ذراع اون  
ایکی پرمق که تریباً سکسان ایکی ذراع اون اوچ  
پرمق دخی مدعی علیهمادن وصلون حصه سنده و باقی  
قلان طولاً و عرضاً بر طرفی درت یدی پرمق و دیگر  
طرفی اوچ ذراع اون یدی پرمق که تریباً سکسان ایکی  
ذراع اون اوچ پرمق دخی مر قوم یوزا حصه سنده  
قاله رق تقریق و تقسیمی قابل اوله جغنی کوسترملکله  
لدی الاستیجواب مدعی الیاس بسیم افندی بدل ایجار  
حقتده کی ادعاسنی تکرار ایله مذکور مغازه ده کی  
نصف حصه سنک تقریق و تقسیمی بیان و وکیل مسخر  
روین افندی دخی موکللری غائبان عن المجلس  
مر قومان یوزا وصلونک اولکی افادانی تذکار ایله  
مزبور مغازه نك تکمیلنی استعمال ایش اولسنه لر بیله  
تأویل ملک ایله استعمال اولمش اوله جعفرلندن بحله  
حکمنجه مدعینک حصه شایعه سی ایچون مر قومانلندن  
ایجار طلبنه حقی اوله میه جغنه درمیان ایش و عند  
السؤال طرفین بشقه بر دیه چکری اولدیغنی سویلمش  
اولر ایله محاکمه لر نك ختام بولدیغنی افاده اولندی

ایجابی لدی التأمل اجرا ایدیلان تدقیقات و مؤخرأ  
اولسان کشف ایجابجه طرفین شایعاً متصرف  
اولدقلمی مذکور مسکرات مغازه سنک درت حصه  
اعتبار ایله ایکی حصه سی یعنی نصف مدعی الیاس  
بسیم افندی نك و نصف دیگری اولان ایکی حصه نك بر  
حصه سی یوزانک و بر حصه سی دخی صلونک اولدیغنی  
مارالذکر تصرف سندیه تحقق و اشبو مغازه نك  
برمنوال محرر قابل تقریق و تقسیم بولندیغنی دخی  
نائب مومی ایله راپورطوسی مندرجاتیه تعیین  
ایش اولدیغندن بونک اولوجهله تقریق و تقسیمه

ماروشیان کوکور افندی طرفندن فی ۴ ایلول سنه ۹۸ تاریخده درسعادت بدایت محکمه سی ایکنجی حقوق دائره سنه ویریلان عرضحال اوقوندی

مالی افسرایده الاجه مجده چشمه اتصالتده کی قوناقده مقیم امتعه کرکی باندرول مأموری سابق اجد افندیك دائره دن عن الغیاب علیه استحصالی ایلدیکی فی ۹ اغستوس سنه ۹۸ تاریخلی اعلام طرفه تبلیغ اولنان صورت مصدقه سنده کندوستندن معلوم المقدار مبالغت تحصیلیه وسه دتلو نجیب پاشا حضرتلرندن حواله اولنان اچقه ایچون برقطعه سند ویرمسی زومنه حکم اولندیغی کوستریلوب حالبوکه کندوسنک مومی الیه اجد افندی به اساساً اویله بر بورجی اولدیغی ابراز اولنان اوراق سندتاله مثبت و محقق ایکن اشبو اوراق وسندات مؤدالیه یا کلس معنا ویر بلهرك ویا لکز مدعینک قول مجردینه اعتبار اولنه رق کندوسنک اولوجهله محکوم طوتلسی مغایر قانون وحقانیت اولدیغندن بختله اشبو اعتراض علی الحکم استدعاسنک بالقبول خصمی مومی الیه اجد افندیك جلبی و محاکمه وجاهیهلر یئک اجراسی الیه حکم مزبورک فسخی و مصارف محاکمه واجرت وکالت وضرر وزیانک مومی الیه تحمیلی استدعاسندن عبارتدر

احضاراً معترض ماروشیان کوکور افندی بالاصاله و معترض علیه اجد افندی طرفندن وکالت سابقه عمومیه سنه استناداً دعوی میرلزندن عوادیس یوردامیان افندی بالوکاله دائره به کله رک معترض مرقوم کرکور اغا دخی خصوص مبعوث ایچون بدایتاً و اعتراضاً و اعاده مدافعه یه ولدی ایجاب تحلیفه و صلح و ابرایه حضور هیئته قبوله مقارن کذلک

ومغزّه مذکور دروننده بولنان قزغان وطلومبه وسائرتهك نصفنی یتیش بش عددسیم مجیدیه یه مومی الیه الباس بسیم افندیك بالاشترا بش لیرا تسلیم واعطا ایتدیکنی سبق ایدن محاکمه وجاهیهده مدعی علیه مادم یورا ادعا یتیش ایسهده بو ادعاسنی اثباتدن اظهار عجز الیه تکلیف ایلدیکی یمنی مدعی بسیم افندی بالقبول حضور هیئته اجرا ایلدیکندن مر قوم بورانک اشبو ادعاسنک ردیه مذکور قزغان وطلومبه وسائره حقنده کی مداخله سنک منعه و بدل ایچار بختله کلجه مدعی علیه مانتک مذکور مغازه سنک تکمیلی استعمال یتیش اولسهلر بیه مجله احکام عدلیه نك بشیوز طقسان یدنجی ماده سنده (تأویل ملک الیه استعمال اولنان مال معدلاستقلال اولسه دخی ضمان منفعت لازم کلز) دبو محرر بولمنسه مینی اشبو ماده موجبجه مومی الیهك بدل ایچار حقنده کی ادعاسنک ردینه وزیده مفرداتی محرر یوز اوتوز غروش مصارف محاکمه الیه مدعی علیه مایه عائد اولق اوزره یوز غروش اعلام وایکی قطعه سکسان غروش صورت و تبلیغ خرچلر یئک مدعیدن اخذینه قابل اعتراض اوله رق فی ۳۰ تشرین ثانی سنه ۹۸ تاریخده غیاباً و متحداً ویریلان قرار مدعی الیه وکیل مسخر مومی الیه تفهیم قتلدی

( فی ۶ صفر سنه ۱۳۰۰ و فی ۶ کانون اول )  
( سنه ۹۸ تاریخله درسعادت بدایت محکمه سی )  
( ایکنجی حقوق دائره سنندن ویریلان اعلامک )  
( صورتیدر )

صوفجی خاننده سکز نومرولی او طه ده ساکن صراف

دعوی میرلزندن مفری افندی بی توکیل ایتدکن واشبو اعتراض علی الحکم استدعاسنک قانون دائره سنده تنظیم ومدتی ایچنده تقدیم اولندیغی عندالتدقیق اکلاشلدقن صکره بالقبول اعلام غیابی مذکور مواجه لرنده قرائت اولندقهده فی ۹ اغستوس سنه ۹۸ تاریخله مورخ وایکیوز سکسان برعددی الیه مرقم اولوب مندرجاتی صوفجی خاننده ساکن صراف ماروشیان کرکور افندی ذمتنده برقطعه سندی موجبجه غیر از تسلیم رأس المالدن ایکی بک یوز الی الی و بوجهه مقاوله کیسه سی اوچ غروش یکر می اوچ پاره حسابله تراکم ایدن گذشته سنک ابتدا سنه قدر تراکم ایدن گذشته سنک در تیوز قرق لیرا که جمعاً الاجبی اولان ایکی بک التیوز کسور عثمانلی لیراسنک مع گذشته و مصارف محاکمه مومی الیه دن تحصیلیه سعادتلو نجیب پاشا حضرتلرندن حواله ایلدیکی اچقه ایچون دخی نامنه ویرمسی لازم کلان سنندک اعطاسی خصوصلر یئک تحت حکمه التمی امتعه کرکی باندرول مأموری سابق اجد افندی طرفندن استندا اولتمقدن ناشی لاجل المحاکمه اوچ دفعه طرفینه تبلیغ اولنان احضار ورقه سی اوزرینه مدعی اجد افندی طرفندن خصوص مزبور ایچون بدایتاً واستینافاً و تمیراً و اعتراضاً محکمه یه ولدی ایجاب تحلیف و صلح و ابرایه اخذ و قبضه باسنده مصدق دعوی میرلزندن عوادیس یوردامیان افندی بالوکاله کلش ایسهده مدعی علیه صراف ماروشیان کرکور افندی بالذات کلدیکی کبی بروکیل دخی کوندرمدیکندن مدعی وکیلنک طلبیه اصول محاکمه حقوقیه قانون موقتک یوز قرق درت و بشنجی ماده لری موجبجه مدعی علیه ایچون جانب محکمه دن دعوی میرلزندن مکرملو حاجی علی افندی وکیل

مسخر تعیین اولنه رق عن الغیاب استماع دعوی به ابتدار وادی واده سی مدعی وکیل عوادیس یوردامیان افندیك استفسار اولندقهده مأل عرضحالی بالکرار موکلی اجد افندیك فی ۱ مارت سنه ۹۱ تاریخلی سند و دائره نك فی ۱۴ حزیران سنه ۹۴ تاریخلی برقطعه اعلام غیابسی موجبجه مدعی علیه ماروشیان کرکور افندی ذمتنده رأس المالدن ایکی بک سکز یوز و بوجهه مقاوله کیسه سی اوچ غروش یکر می اوچ پاره حسابله تراکم ایدن گذشته سنک اوچ یوز الی لیرا که جمعاً اوچ بک یوز الی عدد ( بقیه سی صکره )

احکامات

در سعادتده متوفیه عاده خاتمک تبه قریه سی اهل بسندن بلاش اوغلی یتانی ذمتنده برقطعه اعلام موجبجه مبلغ محکومه سنندنطولای کذا اعلام مذکورده مندرج برقطعه سجت شرعیه موجبجه مرهون قریه حز بورده قونقلی نام محله واقعه معلوم الحدود برقطعه باغچه وارکلی قریه سننده معلوم الحدود متصرف اولدیغی بر باب مغازه تاریخ اعلان اعتباراً اون بش کون صکره بالزایده فروخت اولنه جغنی قره مرسل بدایت محکمه سی اجراماً موریتی جانبندن اعلان اولنور فی ۲۶ کانون اول سنه ۹۸

مفلس قصاب نیقوله ولد لوندونک تحت تصرفنده اولوب فروختی ایکنجی مجلس تجارت قراری اقتضاسندن بولنش اولان قوم مقبوده بالی پاشا جاده سنده چادر جی اجد چلبی محله سننده یتیش بش نومرولی

مأموریتی جانبدن بلزایدہ فروخت ایدیلہ جکی  
اعلان اولنور

فی ۲۸ کانون اول سنہ ۹۸

مفلس متوفی جواہر جی یورغای امانوٹک مالی  
اولوب فروختی ایکنجی مجلس تجارت قراری  
اقتضاسندن بولنان یکی کویدہ کلیسا زقاقندہ درت  
نومرولی بر باب خانہ تاریخ اعلاندن اعتباراً اون بش  
کون صکرہ موقع مزایدہ قونیلہ جغندن اشتراسنہ  
طالب اولنلرک ودها زیادہ معلومات المق استیانلرک  
محکمہ تجارت اجرا دائرہ سنہ مراجعت ایلمری  
اعلان اولنور

فی ۲۳ کانون اول سنہ ۹۸

اوخانس بدروسیانک فرانسه دولتی محیلرندن اورتلی  
سیغرسٹ وهرزوق نام تاجرلرہ اولان دیون محکومہ  
سنک تسویہ سیچون داینلر عہدہ سنہ قطعاً مفروغ  
بولنان اورتہ کویدہ قرہ طاغ زقاقندہ کائن اون اوج  
نومرولی بر قطعہ عرصہ تاریخ اعلاندن اعتباراً  
اون بش کون صکرہ موقع مزایدہ قونیلہ جغندن  
اشتراسنہ طالب اولنلرک ودها زیادہ معلومات المق  
استیانلرک محکمہ تجارت اجرا دائرہ سنہ مراجعت  
ایلمری اعلان اولنور

وفی ۲۵ کانون اول سنہ ۹۸

مطبعہ عامرہ دہ طبع اولندی

بر باب کار کیر خانہ تاریخ اعلاندن اعتباراً اون بش  
کون صکرہ موقع مزایدہ قونیلہ جغندن اشتراسنہ  
طالب اولنلرک ودها زیادہ معلومات المق استیانلرک  
محکمہ تجارت اجرا دائرہ سنہ مراجعت ایلمری  
اعلان اولنور

فی ۲۳ کانون اول سنہ ۹۸

ذیلخانک محمد شکری افندی ذمتندہ بااعلام شرعی  
الاجفی اولان مبالغ معلومہ نک تسویہ سی ضمنندہ  
مدیون مومی الیہک عہدہ تصرفندہ اولوب مرہون  
بولنان مصر چارسوسندہ التي نومرو ایلہ مرقم صاغ  
طرفی حاجی سلیمان بکک دکانی وصول طرفی راشد  
افندی دکانی وارقہ جہتی تخیص اوکی و بر طرفی  
چارسوی مذکور جادہ سیلہ محدود بر باب عطار دکانی  
درونندہ مستقر کدک تعبیر اولنور آلات لازمہ  
معلومہ نک تاریخ اعلاندن اعتباراً اون بش کون صکرہ  
فروختنہ تشبث اولنہ جفی اعلامات شرعیہ اجرا  
دائرہ سندن اعلان اولنور

فی ۲۷ کانون اول سنہ ۹۸

نسیمک رفائلہ  $\frac{۹۹}{۱۵۹}$  نومرولی اعلام موجنبجہ دینی  
اولان مبالغ معلومہ نک تسویہ سیچون خاصکویدہ  
ترشیجی محلہ سنندہ ضمیرہ خانہ جادہ سنندہ اوتوز بش  
نومرولی دکان ایلہ بلچونہ زقاقندہ اوج نومرولی  
خانہ دہ متصرف اولدیغی نصف حصہ شایعہ لرنندہ  
فروختی مقرر بولندیغندن تاریخ اعلاندن اعتباراً اون  
بش کون صکرہ مذکور دکان ایلہ خانہ نک نصف  
حصہ لری بک اوغلی بدایت محکمہ سی اجرا